

Vlasicka deklaracija 27. 05. 2005

Zajednička izjava

Vlašić, april 2005

Šefovi (ovlašteni predstavnici) jedanaest političkih partija sastali su se na Vlašiću na poziv visokog predstavnika u cilju pronalaženja rješenja za restrukturiranje policije u Bosni i Hercegovini prema principima Evropske komisije radi otvaranja Pregovora o stabilizaciji i pridruživanju Bosne i Hercegovine Evropskoj uniji.

Imajući na umu da je reforma policije ostala posljednji uslov za prihvatanje Studije izvodivosti i otpočinjanja Pregovora o stabilizaciji i pridruživanju, predstavnici političkih partija su razmatrali moguća rješenja za restrukturiranje policije na osnovu Konačnog izvještaja Komisije za restrukturiranje policije Bosne i Hercegovine. U svojstvu predsjednika stranaka, prisutni su se usaglasili oko mogućih rješenja koje odgovaraju evropskim principima u dijelu pitanja iz ukupnog sadržaja reforme.

U svjetlu prethodnog, kao rezultat kompromisa, kao moguća rješenja definisani su principi kojima se uspostavlja jedinstveni okvir za politički nadzor, operativno djelovanje i nadzor zajednice nad policijskim strukturama Bosne i Hercegovine (prilog 1). Ovi principi uključuju i sljedeće anekse:

- a) [Funkcije pomoćnika direktora lokalne policije \(prilog 2\);](#)
- b) [Odbor za policiju \(prilog 3\);](#)

c) Nadzorna vijeća zajednice (prilog 4).

U pogledu teritorijalnog rasporeda policijskih regija, predstavnici stranaka nisu usaglasili stavove, ali su izrazili spremnost da konačno rješenje rasporeda lokalnih policijskih regija bude u skladu sa principima Evropske komisije, koji podrazumjeva da će lokalne policije operisati u funkcionalnim područjima zasnovane na tehničkim kriterijima.

U smislu predmetnog, sačiniće se zajednička komisija u koju će ući predstavnici RS, FBIH i predstavnike Vijeća ministara Bosne i Hercegovine. Ovlašteni predstavnik Vijeća ministara će tražiti od vlada entiteta i od političkih stranaka-učesnica da imenuju svoje stručne predstavnike u komisiju najkasnije do 3.5.2005. godine kada će komisija krenuti saradom.

Zadatak komisije je da pripremi moguće prijedloge rasporeda lokalnih policijskih regija koje će dostaviti učesnicima pregovora na Vlašiću i predsjedavajućem Vijeća ministara Bosne i Hercegovine.

Predstavici političkih stranaka će prijedloge rješenja iz priloga 1,2,3 i 4 prezentirati nadležnim organima svojih stranaka kako bi se stvorili uslovi za nastavak političkih pregovora o drugim pitanjima reforme i donošenja odluka u nadležnim institucijama entiteta i Bosne i Hercegovine.

Predstavnici političkih stranaka su izrazili volju da u ovom sastavu nastave razgovore 11.05.2005. godine do postizanja rješenja koja u sebi uključuju sve aspekte reforme kada će rješenja u sadržaju dobiti konačan karakter. U nastavku razgovora predstavnici stranaka saglasni su da se razmotre i ostala pitanja reforme policije i definišu dinamički plan rada na reformi, uključujući i period implementacije a u skladu sa evropskim principima.

Svjesni značaja otvaranja Pregovora o stabilizaciji i pridruživanju, svi šefovi stranaka su zajednički tražili kompromisna rješenja koja će biti osnova za postizanje ovog

cilja do 19.5.2005. godine, kada će Konsultativna radna grupa
Evropske komisije ocjeniti implementaciju Studije izvodivosti.